

etiam materiale, & quemcumque metum gravissimum etiam mortis, & sic non amplius sunt audiendi Doctores, qui ante hac oppositum tenebantur tamquam probabile.

42 Simulatio tamen materialis circa rem plane indifferenter se habentem ad Sacramentum, per se loquendo, si non adsit alia vitiosa circumstantia, non est illicita; quia non est simulatio administrationis Sacramenti: unde confessarius ad occultandum defectum absolutionis penitentis indispositi potest licite post confessionem aliquam orationem recitare super ipsum, & facere signum crucis, quamvis à videntibus putetur absolvetur; *communis cum supra citatis.*

43 Gravius peccat, qui simulat administrationem Sacramenti, quam qui sacrilege illud conficit, seu administrat, textu expresso in cap. De homine 7. de celebratione missarum, ubi refertur casus de quodam incauto Sacerdote, qui in mortali constitutus, nec potens confiteri, nec forsitan conteri, & ob urgentem necessitatem coactus celebrare, peractis ceteris ceremoniis, & omisissis verbis consecrationis, missam celebrare simulavit, de quo Innocent. III. sic habet, ibi: "Licet is, qui pro sai criminis conscientia reputat se indignum, peccat graviter, si se ingerat irreverenter ad illud; gravius tamen videtur offendere, cum ille in solius misericordia Dei manus incidat, iste vero (fide celebrans) non solum Deo, cui non veretur illudere, sed populo, quem decipit, se astringat."

44 Minister in administratione Sacramentorum sequens sententiam tantum probabilem de valore, relicta tutiore, peccat mortaliter. Innocentius enim XI. dicit 2. Martii 1679. iustissime damnavit inter alias sequentem propositionem 1. in ordine: "Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id veret lex, conventio, aut periculum gravis damni incurrendi." Hinc sententia probabilis tantum intendum non est in collatione Baptismi, Ordinis Sacerdotialis, aut Episcopalis.

45 Si non agitur de valore Sacramenti, sed tantum de modo administrandi, potest Minister sequi opinionem practicè probabiliorem, relicta tutiore, sic cum communi Card. in 2. crisi dis. 2. num. 4. Gormaz dis. num. 801. La-Croix loc. cit. num. 121.

46 Minister utens materia, vel forma falsa peccat mortaliter, *communissima.* Item peccat mortaliter per se loquendo, si utatur materia, vel forma dubia, quando potest haberi certa: in casu autem necessitatis, quando non potest haberi certa, potest, & debet adhibere

48 dubiam; *communis.* Item peccat mortaliter omitendo intentionem requisitam; *communissima.*

49 Minister repetens absolute formam sacramentalem, vel aliquid in ea, cum dubio tantum levi vel inani timore per se loquendo, peccat mortaliter, quia est gravis irreverentia repetere absolute formam sacramentalem cum solo dubio levi, & inani timore, qui nec sufficit pro licite repetenda tali forma sub conditione; cum enim nulla est prudens causa dubitandi de valore Sacramenti, sed oriatur tantum levis scrupulus, nequidem conditione est iterandum Sacramentum, uti tenet *communis* ex Cathedra Romano cum Dicastil. de baptis. l. 1. n. 147.

50 Quando tamen est prudens dubium de valore Sacramenti collati, potest licite, imo debet iterari saltem sub conditione, quia tunc consultatur, & salutem proximi & reverentiam Sacramenti per conditionem appositam, *communis per textum in cap. Si nulla 113. de consecr. dist. 4. ubi Leo Papa ad rem sic expresse dicit: Non intervenit temeritas presumptionis, ubi est diligentia pietatis & cap. ult. de Presbyter. non baptizat. ubi Innocentius III. dicit: Non intelligitur iteratum, quod ambigitur esse factum. (Ad rem lex 9. & 10. tit. 4. part. 1.)*

51 Minister, qui ex officio est Pastor, ut Parochus respectu secularium, & Superior respectu Religiosorum, tenetur ex-jactitia suis subditis etiam extra necessitatem gravem rationabiliter petentibus Sacramenta ministrare; ad hoc enim se obligavit assumendo officium pastoris, & talis videtur intercessisse contractus inter pastorem &

oves. Unde talis Minister tenetur sub mortali cum quantumcumque magno suo detrimento temporali, & etiam cum propterea vite periculo, non solum in extrema, sed etiam in gravi necessitate spirituali alicujus sibi subiecti ovis, ei ministrare Sacramenta; S. Thom. 2. 2. quest. 26. art. 5. ad 3. & quest. 185. art. 5. Suarez quest. 1. part. 1. §. Quarto dico. Castropal. dist. 1. punct. 9. Grand. dist. 4. num. 4. Coninch. art. 25. dist. 7. conclus. 1. & 3. Bano. Aragon. Tapia, quos citat & sequitur Carden. in 1. Crisi disert. 79. cap. 2. La-Croix l. 2. num. 174. & alii passim; vid. verb. Extrema Unctio d. num. 42. Si autem esset unicuique Minister, quo sublato, deceset communitati Minister Sacramentorum, hic non debet singulis ministrare Sacramenta cum probabili periculo infectionis, seu mortis, siue quo periculo aliis Sacramenta ministrare possit; salus enim omnium præferri debet salutis unius particularis, & Minister obligatus ex officio communitati, tenetur se illi conservare; Barbosa de officio Parochi. cap. 17. num. 15. P. Marchant in Tribunal. tom. 3. part. 1. tit. 9. tom. 2. quest. 6. §. 2. resolut. testans esse communem.

Minister, qui ex officio non est Pastor, non tenetur ex-jactitia ministrare Sacramenta, tenetur tamen ex charitate etiam cum vite suo periculo Sacramenta necessaria ministrare in extrema necessitate spirituali alicujus, Unusquisque enim secundum ordinem charitatis tenetur etiam cum periculo vite corporalis succurrere proximo in extrema necessitate spirituali constituto; *communis.* Et per hoc stat differentia inter Ministram, qui ex officio est pastor, & Ministrum, qui ex officio non est pastor; quia iste tenetur Sacramenta necessaria ministrare solum ex charitate, & in extrema necessitate spirituali proximi; ille vero tenetur ea ministrare suis ovis ex-jactitia, & etiam in necessitate gravi ex dictis supra num. 50.

Si Minister baptisimam carens aqua, puerum aliquo sine baptismo moriturum in flumen, vel puteum projiciat, licet una simul profertur iustam verborum formam cum intentione conferendi Sacramentum, seu vere baptizandi, nihilominus probabilis talis baptisimus est invalidus. Sic cum communiore Scotistarum, & Antiquiorum Richardi, Paludani, Marsilli, Sancti Antonii, Toleti, Silvestri, Armillæ, & plurium aliorum, Scotus in 4. d. 4. q. 3. n. 4. ubi expresse dicit, quod projectus de ponte non baptizatur, quia hoc non est ad vitam ordinatum, vel lotionem, sed ad mortem. Et dist. 3. n. 1. referens sententiam Ricardi asserentis puerum sic projectum non esse baptizatum, ait: dicitur etiam quod talis sic projectus non est baptizatus, quia baptisimus est ablutio ordinata ad vitam ablutis, non sic autem ordinatur illa immersio. Et in reportatis ead. quest. num. 2. eandem difficultatem expendens dicit: "Sed si adultus proficiatur in flumen dicendo, baptizo te, credo quod non baptizatur, quia proficiens non habet intentionem Ecclesie, quia intentio Ecclesie est madefacere eum, quod ipso vivente possit iterum desiccare, vel esto quod baptizetur, non dubio qui proficiens peccat mortaliter." Quibus omnibus constat Scotum, magis propendere in sententiam negantem talem baptismum esse validum, ut recte advertit Frassen in 4. tracl. 1. art. 1. q. 5. conclus. 2. Et ratio est, quia ut dicit subtilissimus noster Doctor, baptisimus est ablutio ordinata ad vitam ablutis, illa autem projectio est magis submersio ad mortem, quam ablutio ad vitam; cum per se loquendo tendat ad occasionem pueri, seu adulti sic projecti; & quamvis Minister proficiens dicat se eam non intendere, tamen projectio ipsa non est mortaliter, nec per intentionem conjungibilis ab occasione. Quis enim diceret se non velle occidere, sed solum abluere, & lavare hominem, quem ligatis manibus, & pedibus, & ingenti saxo ad collum alligato in puteum, flumen, aut mare projiceret? Adeoque stat clarum, quod non obstante tali præsumpta intentione de non sic occidendo, adhuc projectio manet vera, & directa realis occisio innocenti, quæ nec pro tali casu est permitanda, cum non sit dicendum, Christum pro materia proxima baptisimam, ordinasse ablationem occisivam hominis; sicque actionem

nem intrinsece malam, quæ nunquam sine peccato adhiberi potest, & ex natura sua est ordinata ad mortem corporalem.

56 Dato autem quod talis baptisimus esset validus, ut jam tenet fere communis recentiorum opinio cum Suarez, Vasquez, Coninch, Hurtado, Valentia, Diana Bonacina, Caspensi, Aversa, & alii passim apud Mastrium Theol. moral. disp. 17. q. 2. art. 1. n. 19. Layman l. 5. tracl. 2. c. 3. n. 5. de sacramento baptisimæ. La-Croix l. 6. p. 2. n. 214. & tenet etiam Bowin. tit. 3. disp. 3. de Sacram. q. 2. conclus. 4. Felix Potestas tit. 1. p. 4. n. 2977. & alii volentes, quod talis projectio sit vere & proprie ablutio ad validum baptismum sufficiens, si ante mortem pueri proferatur integra forma, quia licet in tali casu sequatur submersio, & mors infantis, nihilominus puer potest dici vere ablutus, & baptizatus, quia esset vera immersio conjuncta cum forma, & baptismus non ordinatur ad vitam corporis, sed animæ, ac vita corporis cedere debet vite animæ. Adhuc tamen nunquam esset sic conferendus, quia talis projectio esset illicita, iniqua, ac mortifera, ut passim concedunt etiam adversarii ipsi, & expresse docent Scotista omnes post Scotum in 4. cir. disp. 5. quest. 3. ubi sic ait: "Dico quod quando præsumitur mors, nullo modo debet aliquis esse propellente, & projicere, quia peccabit mortaliter occidendo, & quilibet tenetur magis vitare peccatum mortale in seipso, quam querere salutem proximi, quia ordinata charitas magis est ad seipsum." Et in Reportatis loco supra citato expresse concludit: Vel esto quod baptizetur, non dubio qui proficiens non peccat mortaliter. Nec valet quod dicitur aliqui pauci ex adversariis, quod talis baptisimus necdum esset validus, sed etiam licitus, quia vita animæ est præferenda vite corporis. Non valet, inquam, quia vita animæ est quidem præferenda vite corporis, sed solum in quantum fieri potest per media licita, non autem per media illicita, ut esset in nostro casu. Non sunt enim faciendi mala, ut eveniant bona. Ad Romanos c. 3. n. 8. cap. Super eo 4. de usuris, cap. Ex tuarum 2. de sortilegiis, c. Non est putanda 17. caus. 1. cum similibus. Tum quia ut rectissime dicit Scotus supra allatus: "Quilibet tenetur magis vitare peccatum mortale in seipso, quam querere salutem proximi, quia ordinata charitas magis est ad seipsum."

MINOR, MINORENNIS.

Vide verb. Ætas. Beneficia. Contractus. Emptio. Venditio. Filius. Restitutio in integrum.

MINORITÆ.

1 MINORITÆ fratres custodiæ terræ sanctæ soli exercere possunt munia parochialia in Græcos Melchitas Patriarchatus Antiocheni, absente Parocho Græco. Benedict. XIV. tom. 1. constit. 86. incip. Demandatam §. 13.

2 Eorum Guardianus S. Sepulchri, seu terræ sanctæ, potest conferre Sacramentum Confirmationis absentibus Episcopis Latini ritus, cum oleo, & chrismate à Catholico Antistite benedictis etiam antiquis, si nova haberi non possunt. Idem constit. 10. incip. Cum ad infrascriptam. Ab eodem potest sub conditione conferri Græcis Melchitis à simplici Sacerdote confirmatis absente Episcopo Græco Catholico. Idem constit. 87. incip. Demandatam §. 14. Ubi verò sit Episcopus Catholicus residens, hujusmodi Sacramentum non conferat, nisi de ejusdem Episcopi consensu; eo autem dissentiente, abstineat. Idem ibidem.

3 Franciscani Observantes Missionarii quibusdam Ecclesiis, & Missionibus Cochinchinæ descendere juventur decreto Visitationis Apostolicæ. Idem constit. 3. incip. Quoapropter §. 7. Idem appellant ad S. Sedem: idem §. 9. Et decreta prius confirmata revocantur, ipsa

que in pristinum restituntur: idem ib. §. 11. Adjecta lege conservandi missiones sibi adjudicatas, easque non deserendi: idem ib. §. 15. Iisque permittitur prædicare in regnis Ciampæ & Cambodiæ, non tamen aliis exclusis. Idem ib. §. 10.

Franciscani Missionarii in Ægypto laborantes laudantur à laudato Pontifice tom. 1. constit. 129. incip. Quoamvis tempore §. 2. Franciscani instituti spiritus, quoad jurisdictionem Parochorum è documentis S. P. Francisci, & S. Bonaventuræ demonstratur: idem ib. §. 15. ubi adductis testamentis dicti S. P. Francisci, & S. Bonaventuræ in tractatu: "Quare Fratres Minores prædicent, subjungit, licere tantum Fratribus Ordinis Minorum S. Francisci Custodiæ Terræ Sanctæ Parochialia munia obire circa Græcos Melchitas, & eisque Sacramenta administrare in iis locorum & temporum circumstantiis, quibus omnino deficiat modus habendi Parochum, aut nullum Antistitem Græci ritus." *

** Advertendum, quod nos Fratres Minores (quid quid scripserit aliquis in contrarium) possumus, ac debemus addere in Confiteor nomen nostri Sancti Patriarchæ Francisci, dicendo, Sancti Apostoli Petro & Paulo, Beato Patri nostro Francisco, &c. & ita dicendo Sancti Apostoli Petro & Paulum, Beatum Patrem nostrum Franciscum, &c. Cui non obstat decretum Sac. Congreg. diei 20. Martii 1706. loquendo ipsum de iis, qui illud non recitant ex speciali privilegio, Regulares absque speciali privilegio, &c. quo nos gaudemus ex ritu tradito à S. Bonaventura anno 1260. relato in Orbe Seraphico l. 3. n. 30. à quo recedere non possumus ex sanctis à Julio II. & Clemente X. citat. in Rubricis nostris novissimis Franciscani Breviarii n. 129. ibi: "Quoad caeremonias verò, & alia ad recte & sancte reddendum Domino sacrificium laudis, quoquomodo necessaria, & opportuna, observanda sunt documenta à S. Bonaventura edita, necnon ordinationes Capitulum Generalium, Apostolica auctoritate confirmata: ac proinde Rituale, constitutiones, & doctrinæ in firmamento trium Ordinum contentæ, ibidem à san. mem. Julio II. & tandem à fel. record. Clemente X. in Brevi, Ex commissi Nobis 28. Augusti 1661. cum aliis recentioribus, approbatæ, & sub nonnullis poenis, pro tunc, & nunc observari mandatae." Ac ideo in Missalibus, & Breviariis Franciscanis in Confiteor recte appositum est post nomina SS. Apostolorum Petri, & Pauli, nomen S. Patris nostri Francisci. Et insuper ad id habemus personalem confirmationem Innocentii XIII. qui assistendo nostro Capitulo Generali Romæ celebrato 15. Maji 1723. non solum id approbavit in publica Confessione omnium Vocalium, sed & sibi metipso complacuit repetere, dicendo, Precibus, & meritis B. Marie &c. Beatorum Apostolorum Petri & Pauli, & B. Patris vestri Francisci, &c. uti apparet ex supra laudato Capitulo Generali edito Romæ anno 1730. Et ad id accedit totius Religionis universalis, ac inveterata consuetudo, quæ quasi altera lex parem obligandi obtinet potestatem, cap. Consuetudo §. ult. l. 1. De quibus 3. ff. de Legib. l. Diuturna consuetudo 33. §. L. Sed & ea 35. ff. eod. Consuetudo namque est optima Legum interpretis; L. Si de interpretatione 37. ff. de legib. cap. Cum Dilectus 8. de consuetudine, cum similibus. (Verb. Consuetudo, & Lex.) Et hæc sententia expresse traditur sub numero 168. in caeremoniali Mediolani impresso anno 1774. ab eruditissimis Patribus Reformatiis illius provincie collecto ex caeremonialibus Romanis, & Franciscanis. **

Addenda sunt sequentia decreta.

Decretum, quo disposita, atque sancita à P. Vice-Commissario Generali Ordinis Min. Observ. Reformati. S. Francisci pro Conventibus Recessus, seu Recollec-tionis nuncupatis, confirmatur.

"Sacra Congr. super disciplina Regulari expenso tenore epistolæ circularis Vice Commissarii Generalis Min. Observantium Reformatorum S. Francisci, datæ die 9. Jan. 1707. in qua sub n. 7. ubi de Conventibus Recessus, seu Recollec-tionis agitur, hæc habentur: E-nin dicto Convento, & Conventi ne quali dovera attendersi

MIRACULUM

SUMMARIUM

al solo spirito di devozione, ed oratione non vi potra...
nessere studio, ne Lettori, o altro Religioso esente da...
qualunque atto comune. Et mature perpensis omnibus...
singulis deductis tam a dicto Vice-Commissario Ge-...
nerali Strictioris observantia S. Francisci ex una,

15 Decretum de instituendis in unaquaque provincia...
strictioris Observantia S. Francisci conventibus spiri-...
tualibus recessus pro Religiosis ferventibus ad prescrip-...
tum epistolae circularis P. a Monte Bufio Vice-Commissa-...
arii, alias a Sacra Congregatione confirmatae.

Cum ad aures Sacrae Congreg. super disciplina...
regulari pervenerit, & multiplici fide dignorum testi-...
monio fuerit comprobatum, in multis provinciis stric-...
tioris Observantia S. Francisci per Italiam, & Insulas...
adjacentes, epistolam circularem Vice-Commissarii Ge-...
neralis a Monte Bufio datam 9. Jan. 1704. & ab hac...
Sacra Congregat. confirmata 9. Januarii 1708. ple-...
num non sortiri effectum quoad demandatos spiritualis...
recessus Conventus: Volens propterea Sacra Congreg...
ne talis inobservantia in regularis disciplinae detrimen-...
tum diutius protrahatur, opportune, & efficaciter pro-...
videre, re mature discussa, auditisque pluries, tum vo-...
ce, tum scripto Superioribus Ordinibus referente, Eminen-...
tissimo Fabrono, rescripsit: Pro omnimoda observantia...
praefatae epistolae circularis Vice-Commissarii Genera-...
lis a Monte Bufio, confirmatae, ut supra, a Sacra Con-...
greg. de instituendis in unaquaque provincia supradic-...
tis conventibus spiritualibus recessus pro Religiosis fer-...
ventioribus, & non concedatur licentia admittendi ad...
habitum, & professionem, nisi in provinciis, in quibus...
Sacrae Congreg. consisterit, praefatos conventus re ipsa...
institutos esse, ac sedulo, & cum effectu a Superiori-...
bus Generalibus detur notula, ubi sint respective insti-...
tuti dicti conventus. Romae 10. Decembr. 1714. J. R. Card. Imperialis Praefectus.

Decretum consilium praecedenti pro Minoribus obser-...
vantibus S. Francisci.

Cum ad aures Sacrae Congregationis super discipli-...
na regulari pervenerit, & multiplici fide dignorum...
testimonio fuerit comprobatum in multis provinciis Mi-...
norum de Observantia S. Francisci per Italiam, & In-...
sulas adjacentes Breve san. mem. Innocentii XI. quod...
incipit Militantis Ecclesiae &c. editum die 22. Novem-...
bris 1679. plenum non sortiri effectum, quoad deman-...
datus Recollectionum conventus: Volens propterea ea-...
dem Sacra Congreg. ne tali observantia in regularis...
disciplinae detrimentum diu protrahatur, opportune, &...
efficaciter providere, re mature discussa, auditisque...
pluries, tum voce, tum scriptis superioribus Ordinibus...
referente Eminentissimo Fabrono, censuit, supersede-...
nti pro nunc in expeditione novi brevis, sed omnino...
servandam esse dispositionem Brevis san. mem. Inno-...
centii XI. 22. Novembris 1679. de non concedenda...
licentia admittendi ad habitum, & ad professionem...
in illis provinciis, in quibus plene non consisterit Sa-...
crae Congreg. supradictos Recollectionum Conventus...
institutos fuisse juxta formam in eodem Brevis praescrip-...
tam. Et interim detur a Superioribus Generalibus nota...
subi respective sunt Recollectionum Conventus. Romae 10. Decembris 1714. J. R. Card. Imperialis.

1 Miraculum unde dicitur & quid sit: quae requi-...
suntur ad verum miraculum: genus quatuorplex:...
quid sit gratia: quae nomina miraculo aptantur,

23 Ampliatur eadem distinctio: quomodo effectus mira-...
culi ponitur: variae opiniones circa discrimina,

36 Anti-Christus an esse officii, quae nomina ei conve-...
niant; cui competat examinandi, & recognoscen-...
di miracula potestas: quomodo examen est facien-...
dam: qui ad idem sunt adhibendi, ad num. 40.

41 Quae licentia est intercedenda in miraculorum impres-...
sione: quae ut publicentur, & pane in contrarium...
facientibus decreta: quando miracula fieri di-...
cuntur, quomodo se gerere debeat Episcopus: re-...
fertur denique celeberrimum miraculum, ad nu-...
mer. 44.

45 Recensentur alia, remissive.

MIRACULUM dicitur mirum factum, vel quasi admira-...
tione plenum. Barbosa de offic. & potest. Episcop. part. 3. ...
allegat. 99. num. 7. & alii passim. Miraculum, prout...
usurpatur in causis Beatificationum, & Canonizationum...
describitur a S. Augustino lib. de util. cred. cap. 16. ...
ibi: "Miraculum voco, quidquid arduum, & inso-...
litum supra spem, aut facultatem mirantis apparet,"

Ad verum, & proprie dictum miraculum quatuor...
principaliter requiruntur. Glossa communiter recepta in...
cap. Gloriosus Deus, unic. de reliquiis, & veneratione...
Sanctorum, verb. Sedis Apostolicae. Primo igitur requi-...
ritur, quod miraculum fiat supra naturam, id est, praeter...
ordinem totius naturae; sicut de virga Moysis muta-...
ta in colubrum, & de Asina loquente ad Balaam, ex...
cap. Cum ex injuncto 12. de Haereticis. Illud enim, quod...
per causas naturales fieri potest, non est miraculum.

Secundo, quod appareat illud ex Deo, non ex arte con-...
tingere, neque ex diabolo, quia mirabilia, quae arte...
applicando activa passivis contingunt, seu ope demonis...
virtute sua naturali agentis efficiuntur, quamvis facul-...
tatem, & captum humanum excedant, indeque admira-...
tionem in intellectu humano causent, non sunt tamen...
vere, & proprie miracula, licet in sensu largo talia di-...
cantur, in cap. Teneamus 56. caus. 1. Exod. 7. Actor. 9.

& alibi: solus enim Deus proprie, ac physice potest...
facere miraculum; Hinc Psalm. 71. dicitur: Qui facit...
mirabilia solus, & Psalm. 83. Tu faciens mirabilia, tu...
es Deus solus. Tertio, quod fiat non vi verborum, sed...
hominis merito id contingat. Unde transubstantiatio...
panis in Corpus Christi per Sacerdotem vi consecratio-...
nis causata non est miraculum, prout requiritur ad Bea-...
tificationem, vel Canonizationem. Quarto, quod fiat vel...
in confirmationem Fidei, vel in testimonium Sanctitatis...
alicujus, in quo Deus se vult mirabilem ostendere, ejus...
virtutes in aliorum exemplum miraculis illustrando, unde...
dicto fine, ob quem Deus patrare solet miracula, constat...
ex Marc. ultimo, ubi illi autem profecti predicaverunt ubi-...
que, Domino cooperante, & sermonem confirmante sequen-...
tibus signis. Et Hebr. 2. ibi: Contestans Deo signis, & 7...
portentis. Et de secundo dicto fine constat ex Psalm. 61.

num. 36. ibi: Mirabilia Deus in sanctis suis. Et de S. ...
Thoma de Villanova in 3. Lect. Officii, ubi: Deus sanc-...
titarum servorum sui testatur voluit, praesertim cum horum...
fructu pauperibus distributo penitus vacuum repente...
plenum invenimus esse. (Eadem causa seu quatuor requi-...
sita in leg. 68. tit. 4. part. 1. includuntur.)

His quatuor enumeratis ad verum, & proprium mi-...
raculum requiritis, quantum solet addi, nempe quod fiat...
praeter consuetum & ordinarium modum causandi. Un-...
de quia creatio animae, conservatio universi, & hujus-...
modi non sunt praeter consuetum, & ordinarium mo-...
dum causandi, quamvis a solo Deo fieri possint, non...
sunt ad propositum vere, & proprie miracula. Barbosa...
de offic. Episcop. allegat. 97. n. 8. Reiffens-...
tuel 1. 3. Decretal. tit. 25. n. 29. & alii.

9 Miraculorum triplex est genus, seu ordo, vel gradus...
sicuti tripliciter potest opus aliquod facultatem naturae...
excedere. Primo scilicet quoad substantiam facti, seu...
quoad id quod fit, quando nempe substantia rei factae...
est supra vires naturae: Quod constituit speciem miracu-...
lorum primi generis, seu ordinis, vel gradus; ut est il-...
lud, quod duae naturae uniantur, & subsistant in una...
persona, sicuti factum est in Incarnatione, de quo dixit S. ...
Augustinus tract. 17. in Joannem: Majus miraculum est,

quod Deus factus est homo, quod quam miracula omnia, quae...
Deus fecit inter homines. Ad hoc primum genus, seu or-...
dinem, vel gradum spectat fecunditas, & partus virgi-...
neus B. M. V. Si idem corpus sit simul cum alio in eo-...
dem loco, ut de Christo Domino, qui intravit ad Disci-...
pulos janus clausus: Si corpus humanum glorificetur, si...
enim corpus simul sit in duobus, vel pluribus locis, si...
sol stet, aut retrocedat, prout contigit ad preces Josue,

& Ezechiae Regis, & hujusmodi.

Secundo, quoad subjectum, seu quoad id in quo...
fit, quando nempe aliquid est supra vires naturae, quod...
subjectum est ejus in quo fit, id est, quando aliquid fit, quod...
natura ipsa quocumque facere potest, sed non in illo subje-...
cto, in quo tunc fit; Quod constituit speciem miraculorum...
secundi generis, seu ordinis, vel gradus, ut est re-...
suscitatio mortuorum, illuminatio caecorum, & hujusmo-...
di: potest enim natura causare vitam, sed non in mor-...
tuo, potest praestare visum, sed non caeco. Ad hoc secun-...
dum genus, seu ordinem, vel gradum spectant sanatio-...
nes Paralyticorum, quos Christus sanavit, & sanationes...
ardorum, claudorum, mutorum, vel alio simili morbo...
laborantium, quorum sanationes omnem medicorum ar-...
tem, & medicinae virtutem superent, & soli divinae vir-...
tuti reserventur.

11 Tertio, quoad modum faciendi, quando nempe ali-...
quid est supra vires naturae quoad modum faciendi, id...
est, quando tale quid fit, quod etiam natura ipsa face-...
re potest, sed non illo modo. Quod constituit speciem...
miraculorum tertii generis, seu ordinis, vel gradus; ut...
est, cum quis subito, ac instantanea divina virtute san-...
tatur a febre, nullis adhibitis medicamentis, nulla eve-...
niente crisi; Aut cum aer statim divinitus condensatur...
in pluviam absque causis naturalibus, ut legitur factum...
ad preces Samuelis, & Eliae Prophetae, & Sanctae Scho-...
lasticae Sororis D. Benedicti, & aliorum, & hujusmodi;

Potest enim natura causare salutem in infirmo, con-...
densationem aeris in pluviam, sed non tali modo, scilicet...
in instanti, & sine medicamentis, & sine consensu...
illarum causarum naturalium. Ad hoc tertium genus, seu...
ordinem vel gradum spectant sanatio instantanea a...
febre socrus Simonis facta a Christo Domino, Lucae 4.

sanationes instantaneae ab hydrope, ab hernia, & ab...
aliis hujusmodi morbis illico factae simul cum integra...
recuperatione virium ad invocationem alicujus Servi...
Dei, seu Sancti, quia cum per naturam nequeant illico...
& simul cum recessu morbi vires totaliter recupera-...
ri, ideo quoties morbus hoc modo recedit, & vires...
simul totaliter recuperantur, non per naturam, vel ar-...
tem, sed per miraculum accidisse censentur.

12 Miracula primi generis, seu ordinis, vel gradus...
non est necesse, ut habeantur pro veris miraculis, quod...
fiant in instanti; quia talia miracula, sive fiant in ins-...
tanti, sive progressu temporis, semper verificantur, quod...
a solo Deo procedant, cum totaliter superent vires...
& facultatem naturae, a qua nec in instanti, nec...
successive provenire possunt. Pignatelli. 1. 4. consulti. 54.

num. 6. Laurae in tom. 3. disput. 20. art. 20. num. 805. ...
& alii passim.

13 Miracula secundi generis, seu ordinis, vel gradus...
non est necesse quod fiant in instanti, & patet exem-...
plum

plurim relatis in Sacra Scriptura; De filio enim viduae...
a morte excitato ab Elia 3. Reg. cap. 17. habetur: "Qui...
expandit se atque mensus est super puerum tribus vi-...
cibus, reversa est anima pueri intra eum, & revixit." Et...
de filio Sunamitidis suscitato a mortuis ab Elizeo 4. Reg. cap. 4. non statim, sed paulatim, ibi: "Nam...
Elizeus ingressus domum ascendit, & incubuit super...
puerum, posuit os suum super os ejus, & oculos suos...
super oculos ejus, & manus super manus ejus, & in-...
curvavit se super eum, & calefacta est caro pueri, & in-...
stille reversus deambulavit in domo semel huc atque...
illuc, & ascendit, & incubuit super eum, & oscira-...
vit puer septies, aperuitque oculos." Et de caeco illu-...
minato a Christo Domino Joann. 9. ibi: "Fecit lutum...
ex stupo, & lenivit super oculos ejus, & dixit ei...
"Vade, lava in Natatoria Siloe... abijt ergo, & venit...
videns." Quae miracula ex dictis supra num. 10. sunt...
secundi generis, & tamen, ut patet ex textu, non sunt...
facta in instanti.

Miracula tertii generis, seu ordinis, vel gradus, ne-...
cesse est quod fiant in instanti, ita ut infirmus sanetur, ...
& vires recuperet statim ac Sanctus est invocatus, alias...
si ita non evenirent, sed progressu temporis, dubitari...
ac suspicari cum fundamento posset, quod non a Deo...
supernaturali concursu supra vires naturae morbus fuerit...
expulsus, sed ex generali concursu cum natura operan-...
te id acciderit. Quoties autem dubium est, seu suspi-...
cio, quod sanatio poterit procedere a natura, Ecclesia...
in causis Beatificationis, & Canonizationis, non approb-...
at quod miraculo, sed solum pro gratia, argum. cap. In...
obscuris 30. de Regul. Juris in 6. ibi: In obscuris...
minimum est sequendum.

Unde miraculum, ut notant Diana Coordinat. 1. 8. 15...
tract. & resolut. 1. & alii, per hoc differt a gratia, quod...
miraculum fit in instanti, & gratia successive. Quam-...
vis tamen miraculum differat a gratia per hoc etiam...
quod miraculum a solo Deo procedat, quin physice ad...
eum concurrat causa secunda, gratia vero procedat...
quidem a Deo per intercessionem alicujus invocati ser-...
vi Dei, vel Sancti, sed etiam concurrente alia secun-...
da causa, ut patet, cum pro obtinenda sanitate...
infirmus invocat aliquem Sanctum, & interim medi-...
camenta adhibet, & citius, seu in minori tempore, quam...
si Sanctus fuisset invocatus, sanitatem, & vires...
successive recuperat: Tunc enim dicitur non miraculum, sed...
gratia.

Hinc gratia describi potest, quod sit "beneficium 16...
procedens ex speciali Dei benevolentia, etiam in linea...
naturali, a Deo, concurrente simul physice causa se-...
cunda, successive factum petenti, sed citius, quam...
nisi vel ipse Deus, vel Dei servus non fuisset invo-...
catus." Matthaeucci in practica theologico-canonica ti-...
tul. 3. cap. 1. num. 67. Quando autem est dubium, an...
sanitas recuperata sit per miraculum, vel per gratiam, con-...
cludendum est esse recuperatam per gratiam, per...
citatum regulam 30. Juris in 6. uti recte Matthaeucci...
loc. c. n. 68. & alii.

Miracula in Sacra Scriptura appellantur interdum 18...
Signa, ut Deut. 6. ibi: Deus fecit signa. Marc. 16. ibi: "Domino cooperante, & sermonem confirmante, se-...
quentibus signis. Joan. 2. ibi: Hoc fecit iustum signu-...
morum in Cana Galilaeae convertens aquam in vinum, & ibidem...
cap. 4. Hoc iterum secundum signum fecit Jesus, cum venisset...
a Galilaea in Judaeam sanans filium Reguli, & Ad. 8." Signa vocantur sanationes...
paralyticorum, claudorum, & energumorum libera-...
tiones. Interdum vocantur prodigia, ut Deuteronom. 6. ibi: Deus...
fecit signa, atque prodigia magna. Ps. 45. ibi: Quae posuit...
prodigia super terram. Joel. 2. ibi: Dabo prodigia in caelo, & in terra; 2. Machab. 2. 15. ibi: Prodigia facientem Dominum invocavit. Joan. 4. ibi: Nisi signa, & prodigia videritis. Auctor. 5. ibi: Flebant signa, & prodigia multa, & saepe alibi. Interdum appellantur portentia, ut Deuteronom. 4. ibi: Signa atque portentia, & ibidem cap. 7. Signa, atque portentia; Josue 24. ibi: Multis signis, atque portentis. Paralipom. 2. cap. 32. ibi: Ut interrogarent de...
L 2 por-

- portento, quod acciderat. Isaia 8. ibi: *In signum, & in portentum.* Ezechiel. 22. ibi: *Quia portentum dedit te Domui Israel.* Marc. 13. ibi: *Dabunt signa, & portenta.* Ad Hebraeos 2. ibi: *Constituit Deo signis, & portentis, & saepe alibi.* Haec autem vox *miraculum*, quamvis pluries habeatur in Veteri Testamento, nunquam tamen reperitur in Testamento novo.
- 22 Miracula, prodigia, & portenta conveniunt omnia in ratione signorum, quia omnia praeter speciem sui, quam ingerunt sensibus viventium, quid aliud significant. Attamen licet omnia sint miracula, utpote ardua, & insolita, & supra vires naturae creatae, quatenus non actu rem signatam ponunt, sed consummantur in praesignatione rei futurae, ut erunt signa in sole, & luna, & stellis, Lucae 21. quae praesignabunt Judicium universale proxime futurum. Vel rei praesentis, ut signa prodigiosa censentur illa, quae, dum Sancti martyrio afficiuntur, non semel solent evenire, quod nempe ferè mansuescant, terræmotus accidant, statuae inanium deorum corruant, magna tempestas oriantur, radii, & splendores supra caput, & circa corpus martyris appareant, concentus Angelorum audiuntur, facies accensae videantur, & huiusmodi, quae omnia tamquam signa à Deo dantur ad indicandum, quod mors patientis sit ipsi accepta, & quod iniuste, & inique Judex, & Tyranni operentur, quin effectus alius ponatur à parte rei.
- 24 Miracula autem semper effectum suum ponunt in actu; si enim loquamur de miraculis primi generis, ut est Incarnatio Verbi, ponit actu à parte rei Verbum incarnatum: si loquamur de miraculis secundi generis, ut est resuscitatio mortui, ponit actu à parte rei mortuum resuscitatum: Si loquamur de miraculis tertii generis, ut est sanatio instantanea à febre, ponit actu à parte rei sanitatem. Sic recte Matthæi loc. cit. cap. 1. num. 30. & 31. & alii.
- 25 Prodigia, & portenta volunt nonnulli, quod differant à miraculis ex parte effectus, & modi significandi, quatenus illi terrorem, vel nocumentum aliis inferant, & praenuntiant; miracula vero commodum, & gaudium; sicuti resuscitatio à morte, sanatio miraculosa à morbo est miraculum afferens commodum, & laetitiam. Alii tamen tenent, quod miracula, quae propter eorum excellentiam majori admiratione, & stupore sunt plena, prodigia, & portenta appellentur: Quae admirationem inferunt, sed non tantam, minora, & pura miracula dicantur. Sic Matthæi loc. cit. n. 21. & alii. Pignatellus autem tom. 4. consulti. 58. num. 1. observans, quod ex D. Thoma 2. 2. quæst. 178. art. 1. ad 3. duo possunt attendi in miraculis, quatenus excedunt vires totius naturae creatae, scilicet id, quod fit excedens facultatem dictae naturae, quo inspecto, inquit, miracula dicuntur *Virtutes*, & id, propter quod ea fiunt, scilicet ad manifestandum aliquid supernaturale, cuius gratia, dicit, miracula nuncupantur *Signa*. Unde infert cum Angel. Rocc. de canonizatione Sanctor. cap. 22. miracula, quatenus aliquid praestendunt ostentata, seu portenta vocari, quatenus vero futura praedicunt appellari prodigia.
- 28 Solus Deus proprie, ac physice potest facere vera, & proprie dicta miracula; *Communiter*. Et ratio est, quia si aliqua Creatura, v. gr. Angeli, Sancti, ac demones possent proprie, & physice facere vera, & proprie dicta miracula, iam miracula non essent supra naturam, nec praeter ordinem totius naturae creatae, prout requiritur ad rationem proprie, & strictè dicti miraculi, ut patet ex eius definitione tradita ex D. Thoma supra rub. num. 2. Unde dicitur Ps. 71. *Qui facit mirabilia solus.*
- 29 Possunt tamen Sancti, & Servi Dei facere, & revera ab eis plura sunt facta, & in dies fiunt miracula moraliter, quatenus nempe Deus ad preces ipsorum, vel intuitu Fidei, atque meriti eorum, aut in confirmationem Sanctitatis eorumdem miracula patravit, seu patrat, quae aliis non esset patrarurus. Unde Psalm. 67. dicitur: *Mirabilis Deus in Sanctis suis; communiter.*
- 30 Miracula in confirmationem fidei possunt moraliter fieri, etiam à peccatoribus veram fidem habentibus,

eamque prædicantibus; ac nomen Dei invocantibus; colligitur aperte ex 1. ad Corinth. 13. ibi: *Si habuerim omnem fidem, ita ut montes transferam, charitatem autem non habuerim, nihil sum;* ubi, ut videtur, à parte supponit posse homines fide vera instructos, licet charitate destitutos, montes ipsos alio transvehere. Et de facto patet in Juda proditore, qui in testimonium fidei, quae ac alii Apostoli, patravit miracula. Marc. 3. ut recte observat Reiffenstuel lib. 3. de cr. tit. 45. num. 39. & tenent passim Doctores.

Nequeunt tamen à peccatoribus fieri neque moraliter miracula in testimonium Sanctitatis, aut insignium meritorum apud Deum, qui est alter finis, ob quem miracula fiunt: miracula enim ob talem finem non possunt fieri, nisi ab illis, qui apud Deum specialibus meritis Sanctitatis refulgent; *Communiter*.

Haeretici autem nequeunt facere miracula, neque in confirmationem fidei, neque in testimonium Sanctitatis aut insignium meritorum apud Deum; ipsi enim carent fide supernaturali, quae necessaria est ad faciendam miracula, iuxta illud Math. 17. ibi: *Si habueritis fidem &c. & dicetis monti huic; transi hinc illuc, & transibit, & nihil impossibile erit vobis;* nec habent sanctitatem, cum sint membra præcisa ab Ecclesiae sanctitate, adeoque nullimode possunt facere vera miracula; Pignatell. tom. 4. consulti. 67. num. 43. Mathæi loc. cit. tit. 6. cap. 3. num. 15. & sequent. Laureæ loc. cit. n. 804. & alii passim, & expresse habeatur ex Concilio Constantinopolit. III. art. 15.

Angeli boni possunt moraliter facere miracula, sive quia eo voto, & desiderio eorum Deus mira praestet; sive quia ministerium ei exhibeant, ut ea mira praestet; S. Thomas part. 1. quæst. 110. art. 4. Pignatell. loc. cit. num. 35. & alii passim.

Angeli mali, seu demones, nequeunt ullo modo facere vera miracula. *Communiter*. Nec obstat, quod cap. Teneamus 56. caus. 1. quæst. 1. sicut Exodi cap. 7. habeatur, magos Pharaonis fecisse miracula, & eodem cap. Teneamus, & Actor. 9. dicatur Simonem Magum patrasse miracula. Non obstat, inquam, quia, ut dicitur S. Augustinus lib. 20. de civitate Dei, & lib. 3. de Trinit. S. Thomas part. 1. quæst. 110. art. 4. ad 2. & quæst. 114. art. 4. & alii passim; Mira illa per magos Pharaonis, & per Simonem Magum, sicut, & alia per alios magos, & malos homines ope demonis facta, seu exhibita, non fuerunt vera miracula, sed tantum parentia, & praestigia quaedam sensus, & imaginationem illudentia: Vide etiam dicta ad rem supra n. 7.

Sic etiam virtutes, signa, & prodigia Antichristi erunt spuria, & mendacia, quia ipse, ut interpretatur S. Augustinus lib. 20. de civitate Dei, & alii passim, decipit sensus per illusiones, & phantasmas, & efficere videbitur, quod re ipsa non efficitur.

Potestas examinandi, & recognoscendi miracula competit non solum Summo Pontifici, sed etiam Episcopis; habetur clare ex Concilio Tridentino sess. 25. de invocatione Sanctorum: ubi dicitur: *Nulla etiam admittenda esse miracula, nec novas reliquias recipiendas nisi eodem recognoscens, & approbante Episcopo;* qui textus non tantum procedit de miraculis jam Canonizatorum, sed etiam non Canonizatorum, ita ut Episcopus etiam istorum miracula recognoscere possit, prout Sacra Congregatio ejusdem Concilii interpres declaravit, teste Fagnan. in cap. Cum ex eo 2. de reliquiis & venerat. Sanctorum num. 7. & Barbosa de officio. & potest. Episcoporum. part. 3. allegat. 97. num. 3. ubi dicit sic fuisse sibi responsum à dicta Sacra Congregatione, & originale responsum apud se servare. Debet tamen Episcopus, si examinet miracula nondum Canonizatorum, aut Beatificatorum, antequam ea divulgari permittat, totum negotium ad Sanctam Sedem transmittere, indeque responsum expectare juxta constitutionem 37. Urbani VIII. incip. Sanctissimum. Fagnan. loc. cit. num. 10. Reiffenstuel lib. 3. de cr. tit. 45. num. 45. in fin. (Vid. verb. Papa, pag. 24. col. 2. in add. nov.).

Examen miraculorum debet esse exactissimum, & rigidissimum, praesertim quoad testes, ita ut regula-

MISSA PROUT EST SACRIFICIUM.

ARTICULUS I.

Quoad ejus esse, effectus, & fructus.

SUMMARIUM.

- 1 *Missa est vere, & proprie sacrificium vereque representativum mortis Christi.*
- 2 *Istud sacrificium in Missa incrementum idem est cum sacrificio in Cruce cruento.*
- 3 *Haec mystica immolatio carnis Christi, quae fit manibus Sacerdotis, Christi passio, Crucifixio, mors vocatur, non rei veritate, sed significante mysterio.*
- 4 *Effectus sacrificii Missae est triplex, scilicet Propitiatorius, seu Meritorius, Satisfactorius, & Imperatorius.*
- 5 *Missa sacrificium quomodo sit Propitiatorium, seu meritum?*
- 6 *Quomodo sit Satisfactorium?*
- 7 *Quomodo sit Imperatorium?*
- 8 *Fructus seu valor sacrificii Missae est etiam triplex, scilicet Generalis, Medius, seu specialis, & Personalis seu specialissimus.*
- 9 *Fructus Generalis competit ex instituto Ecclesiae generaliter omnibus.*
- 10 *Medius, seu specialis competit illi, qui pro aliis celebrans offert, & applicat Missam, sive ex charitate, sive ex iustitia recepto stipendio.*
- 11 *Personalis, seu specialissimus competit tantummodo ipsi Sacerdoti celebranti, nec est alteri applicabilis.*
- 12 *Fructus sacrificii alius potest esse ex opere operantis, & alius ex opere operato; Fructus ex opere operantis unde proveniat?*
- 13 *Fructus ex opere operato unde proveniat?*
- 14 *Fructus, seu valor sacrificii Missae non est infinitus, sed finitus.*
- 15 *Afferitur ratio ad num. 16.*
- 17 *Quaedam observatio digna ad articuli complementum in Tyrannum gratiam inducuntur, ad num. 19.*
- 20 *Alia ad rem, remissive.*

MISSA est vere, & proprie sacrificium, cap. firmiter, & de Sanctissima Trinitate, Concilio Tridentino sess. 22. Canon. 1. vere quid representativum mortis Christi. Concil. Coloniens. II. part. 7. cap. 27. Et istud sacrificium in missa incrementum idem est cum sacrificio in cruce cruento, quia licet Christus resurgens ex mortuis, jam non moriturus, mors illa ultra non possit dominari, attamen in semetipso immortaliter, & incorruptibiliter vivens, pro nobis iterum in hoc mysterio moritur, cap. Utrum 72. dist. 2. de consecr. Haec enim mystica immolatio carnis Christi quae fit manibus Sacerdotis, Christi passio, mors, crucifixio vocatur, non rei veritate, sed significante mysterio, cap. Hoc est 48. dist. 4. de consecr.

Effectus sacrificii missae est triplex, scilicet propitiatorius seu meritorius, satisfactorius, & imperatorius. Sic colligitur ex Trid. sess. 22. Can. 3. ubi habet expresse: "Si quis dixerit, missae sacrificium tantum esse laudis, & gratiarum actionis, aut nudam commemorationem sacrificii in cruce peracti, non autem propitiatorium, neque pro vivis, & defunctis, pro peccatis, poenis, satisfactionibus, & aliis necessitatibus offerri debere, anathema sit." Est enim missae sacrificium propitiatorium seu meritorium, quia ejus virtute, & intuitu Deus fit offerenti, & iis, pro quibus offertur, propitius, conferendo ipsis auxilia gratiae, quibus excitentur ad veram poenitentiam, sicutae ad consequendam peccatorum remissionem virtute perfectae contritionis, vel attritionis cum Sacramento, ex Trid. sess. 22. cap. 2. His verbis: "Hujus quippe oblatione placatus Do-

miter non nisi per testes idoneos juratos, qui non sint singulares, & qui deponant ex scientia per sensus proprios, & sigillatim examinentur, miraculum probari valeat, prout pluries demonstrant Auctores arg. cap. Venerabili, de testibus, & cap. Testes caus. 3. quæst. 9. Unde Episcopus ad examen miraculorum debet adhibere in consilium etiam Theologos, & alios viros probos, ut expresse praescribitur in Concilio Tridentino loc. cit. ibi: *Adhibitis in consilium Theologicis, & aliis piis Viris.* De hoc argumento fuse admodum ac docte agit Episcopus Novariensis Joseph M. Mataviglia in suis legibus prudentiae episcopalis, l. 303. 304. 305. & 306. quem vide.

Miracula, gratiae, beneficia &c. quae praesumuntur accepta à Deo ad intercessionem alicujus mortui cum opinione Sanctitatis, non possunt imprimi sine licentia Sedis Apostolicae, nisi fuerit Canonizatus, vel Beatificatus. Urban. VIII. constituit 37. incip. Sanctissimus.

Miracula, gratiae, &c. talis mortui non Canonizati, nec Beatificati, publicari non possunt sine praefata licentia sub poena Clericis secularibus privationis officiorum, suspensionis à divinis, & administrationis sacramentorum; Regularibus vero omnium officiorum, nec non vocis activae, & passivae; Urbanus VIII. consilii incip. Sanctissimus: Unde Laurent. de Franchis in Controu. inter Episcop. & Regulares pag. 252. vers. Ad 10. relatus à Barbosa de officio. & potest. Episc. allegat. 97. num. 6. circa finem refert quod, quando miracula fieri dicuntur in aliqua Ecclesia seculari, sive regulari, virtute sacrarum Imaginum, statim Episcopi mandant operari Imagines, Januas Ecclesiae claudi, & impediunt concursum hominum, nec miracula publicentur, nisi prius per testes legitimos fuerint sufficienter probata, & processus, sive aliquid hujusmodi mittatur ad Papam. Et ibidem vers. Ad 12. tenet, quod tam secularibus, quam Regularibus admittentes nova miracula puniri possint ab Episcopo.

Hic juvat afferre magnum, & maximum miraculum sic appellatum à Decano aliiisque Sacrae Romanae Rotae auditoribus, & relatum à nunquam satis laud. Summo Pontifice Benedicto XIV. in appendice in fine tertii tom. sui undequaque Aucti Operis de Servorum Dei Beatificatione, & Beatorum Canonizatione. Et est, quod Beatus Petrus Baptista Sacerdos, & Concionator mei Seraphici Ordinis, ac Commissarius Delegatus ad Tyrannum Japoniae, cum legationem sibi commissam felicissime ad optatum finem perduxisset, ac sibi illius Tyranni, sui Imperatoris animum devinxisset, obtinissetque facultatem edificandi monasterium, & ecclesiam in civitate de Meaco Regia illius Imperatoris, & exinde plurimos illius nationis, quae verbis, quae exemplis, & charitativis officiis una cum sociis ad catholicam fidem convertisset, valde ob id iratus Tyrannus, indixit ei, & sociis mortem crucis, & ut sic crucifigi eorum corpora in cruce ad aliorum terrorem per bimester remanerent; quo tempore dictus meus Beatus Petrus Baptista pluries ac pluries visus fuit derelicta cruce celebrare missam in Ecclesia sui monasterii, sibi ministrante Antonio Doxico aetatis 13. annorum, qui ministraverat ei vivus in missa, & postea simul cum ipso crucifixus fuerat. Unde ut constat ex processu pro eorum canonizatione jussu Urbani VIII. à supradictis constructo, & loc. cit. & integre allato, saepissime eveniebat, quod corpus Beati Petri Baptistae, & dicti Antonii non videbantur in cruce; & postea transacto tempore celebrationis missae, audientibus interim adstantibus canticum quasi celestem, iterum videbantur in cruce eodem modo, quo martyrium in illa passi fuerant, quod uti revera est, merito appellatur magnum, immo maximum Miraculum.

De variis miraculis à Christo Domino in terris degente patris dissertur in hac bibliotheca, verb. Hemorrhoea, verb. Magi, verb. Filii Viduae Naim, & verb. Samaritana.

Alia ad rem, vide verb. Veneratio Sanctorum.